

angelangit noch beteidigit werden. Actum bey Sturm dem burger(meiste)r, anno domini etc. LXprimo am donirstag nach den phingstheiligen tagen.

a) folgt durchgestrichen Jaco b) folgt durchgestrichen ire bru

## 1046.

1461 Juni 22

### ***Die Erben Albrecht Pottichirs einigen sich über dessen Erbe und die Versorgung seiner unmündigen Kinder.***

fol. 196v Actum secunda feria post Viti anno domini etc. LXprimo bey dem burger(meiste)r Sturm und synen kumppan sint komen vor eyne siczindin rath Meynhart mit frauwen Elszin, Albrecht Pottichirs seligen vorlaszne eewirtin, und dy om nu czu elichem leben vortruwit ist, und haben bekanth, daz Peter und Kuncz Frieszner czwischin on und Albrecht Pottichirs gelaszin czweyen kynden eyn fruntlichin teiding begriffen und gemacht haben umbe ir anirstorben vetirlich gut, daz Meynhart sich mit synir vortruwitten frauwen der gelaszen habe an husze, garten und eczlicher farindir habe, dy nicht geteilt ist, undirczihen, dornach alle iren nucz gebruchen und den kynden vor ire gebure reichen und bezalin sullin <sup>a)</sup>96 rh. guldin, <sup>a)</sup> wenne sy czu iren mundigin jaren komen, und Meynhart sal sulche summe geldis mit synir eewirtin ynne haben und sich domit nerin und sullen dy kinder in sulchir czeit, so sie sulch gelt ynne haben, mit essin, tringken und tegelichin cleidirn nach notdorfft vorsorgen unbeschedit irem hauptgelde. Und so ir eyns addir beide czu mundigen jaren komen addir czu elichem leben uszgesaczt wurden, sal on ir gelt gereicht und von Meynhart, synir eewirtin addir iren erben unvorczoginlich widir bezalt werden. Davor haben gelobit also burgen Wolgemuth, Molsdorffer<sup>b)</sup> ab den kynden nicht gehalden wurde, so sullen sy sulche schuld an den burgen manen, dy in des rathis keginwertikeit vor Meynhart und frauwen Elszen gereth haben, daz den kynden, wy obingeschr(ieben) stet, sal gehalden werden. So hat Meynhart und frauw Elsze den obgeschriben iren burgen sulche obgeschriben burgeschafft mit dem selben iren husze, garten und andirn iren gutirn vorphant, ab sy von den kynden von Meynhart und frauwen Elszin nicht gelost nach entledigit wurden, so sullen sy sich sulch vorsaczunge schadinlosz vor ydirnenlichen doran irholen. Actum dy quo supra.

a-a) über die Zeile geschrieben, ersetzt durchgestrichen gulden 64 ß nuwir groschen b) folgt durchgestrichen und Edelman Clinginsmid